

Акафист Положению честной Ризы Пресвятой Богородицы

Кондак 1

Взбранной Воеводе, Царице небес и земли, даровавшей нам благодать и силу честныя Ризы Ея положенія память творити, благодарственное приносим пение, яко от бед и напастей нас покрывающей: не отвержи нас от Лица Твоего, Милосердная Мати, но прими нас, с любовью вопиющих Тебе: Радуйся, Богородице Владычице, Ризою Твоею от злых наветов нас покрывающая.

Икос 1

Ангельский глас прииде во слух святыя Анны, известующ: ты зачнеши и родиши дочь Препоблагословенную Марію, от Неяже благословятся вся племена земная, и приидет спасение миру всему. Сие ведуще, возопиим Богородице благодарственне:

Радуйся, Бога Отца Безначальнаго предвечное благоволение;

радуйся, Бога Сына Безлетнаго пречистое вместилище.

Радуйся, Бога Духа Всесвятаго избранное жилище;

радуйся, ко Пресвятей Троице немолчная молитвеннице.

Радуйся, горних чинов Ангельских непрестающее удивление;

радуйся, темных сил адских всегрозное устрашение.

Радуйся, Юже на воздухе сретают многочитии Херувими;

радуйся, Ейже похвальная восписуют шестокрилатии Серафими.

Радуйся, Богородице Владычице, Ризою Твоею от злых наветов нас покрывающая.

Кондак 2

Видевше святыя Твоя родители Иоаким и Анна, яко ты, Пречистая, плод благословенный будеши, возблагодариша Бога и пред дверьми храма даша обет посвятити Тя Господеви, да навькнеши пети Ему: Аллилуиа.

Икос 2

Разум совершенный стяжала еси, Богородице, воспитавшись во Святаю Святых. Сего ради не престаеши умудряти и просвещати светом богоразумия и вся христианы, вопиющия Ти таковая:

Радуйся, премилосердая Утешительнице всех скорбящих и обремененных;

радуйся, неусыпающая Наставнице всех заблудших и ослепленных.

Ра́дуйся, пра́ведно двіжимый на ны гнев Божий Твоим молѣнием
скоро утоляющая;

ра́дуйся, злы́я стра́сти на́ша всемо́щным манове́нием укроща́ющая.

Ра́дуйся, крѣпкое пробужде́ние спящих со́вестей;

ра́дуйся, нетру́дное преодолѣние беззако́нных на́выков.

Ра́дуйся, Ея́же ра́ди ад стенѣт и ду́хи зло́бы трепещут;

ра́дуйся, Ея́же ра́ди врата́ ра́я нам отверза́ются.

Ра́дуйся, Богоро́дице, Ри́зою Тво́ею от злых наве́тов нас
покрыва́ющая.

Кондак 3

Сила Вы́шняго осení Тя, Благодáтная, егда́ Арха́нгел Гаври́л
благовествова́ше о безсе́менном зача́тии в Тебе́ Сы́на Бо́жия,
Спаси́теля ми́ру. Прия́вши сию́ благу́ю весть со смире́нием, я́ко раба́
Госпо́дня, возопи́ла еси́ Бо́гу: Аллилу́иа.

Икос 3

Иму́щи во утробе́ Христа́ Жизнода́вца, востекла́ еси́,
Благослове́нная, ко ю́жице Тво́ей. Егда́ же целова́ше Тя Елисаветъ,
взыгра́ся младе́нец Иоáнн во чре́ве ея́, и исполнися пра́ведная Ду́ха
Свя́та, и просла́ви Тя, да и мы вопие́м Тебе́ такова́я:

Ра́дуйся, почита́ющих Тя верне́йшее огражде́ние;

ра́дуйся, христиа́н благосе́рдых неусы́пное поспеше́ние.

Ра́дуйся, святы́х алтарей изрядное украше́ние;

ра́дуйся, святы́х обите́лей покрóв и снабде́ние.

Ра́дуйся, непобеди́мая Воево́до к Тебе́ прибега́ющих;

ра́дуйся, зерка́ло пра́вды судия́м немздопри́имным.

Ра́дуйся, наста́вником и детоводи́телем соверше́нное вразумле́ние;

ра́дуйся, домо́м благоче́стивым свы́шнее благослове́ние.

Ра́дуйся, Богоро́дице Влады́чице, Ри́зою Тво́ею от злых наве́тов нас
покрыва́ющая.

Кондак 4

Бу́ря недоуме́ния смуща́ет наш ум, ка́ко возмо́жем недостойными
усты́ восхваля́ти Тя, Пресвята́я Де́во, за Тво́е вели́кое нам
вспоможе́ние. Тем же, велича́юще неисче́тныя Тво́я ми́лости,
смиреному́дренно поём Вседержи́телю Бо́гу: Аллилу́иа.

Икос 4

Слы́шаша Вифле́мстии па́стырие А́нгелы, пою́щия Христо́во
Рождество́, текóша в верте́п и обрето́ша та́мо Богороди́тельницу, на

руках держащую Превечнаго Младенца. С ними в веселии духовнем и мы Тебе, яко общей Матери нашей, глаголем тако:

Радуйся, от Солнца мысленнаго озаренная;

радуйся, и нас светом незаходимым осиявающая.

Радуйся, сиянием пречистыя души Твоея всю землю просвещающая;

радуйся, чистотою телесэ Твоего небеса веселящая.

Радуйся, верных пастырей Церкви бодрость и вразумление;

радуйся, богобоязненных иноков и инокинь мудрость и наставление.

Радуйся, тихость невозмущаемая благоговейных старцев;

радуйся, радость таинственная чистых дев и вдовиц.

Радуйся, Богородице Владычице, Ризою Твоею от злых наветов нас покрывающая.

Кондак 5

Боготечная звезда являешися, Царице Небесная, всем на Тя взирающим и непрестанно во умилении сердечнем вопиющим Богу: Аллилуиа.

Икос 5

Видя Тя, во храм пришедшую со Младенцем Иисусом поставити Его пред Господем, праведный Симеон рече: «Тебе Самой душу пройдет оружие», проразумевая Матерняя Твоя страдания о Сыне Твоем Божественном. Мы же, на тья мысленно взирающе, зовем Ти:

Радуйся, огонь Божественный, Христа, неопально на руку Своею держащая;

радуйся, и нас, хладных, тем воспламеняющая.

Радуйся, воинствующих на плоть целомудрием изрядное венчание;

радуйся, подвизающихся в постэ и безмолвии присное собеседование.

Радуйся, изнемогающих в унынии и печали скорая Утешительнице;

радуйся, благодатнаго смирения и терпения Подательнице.

Радуйся, по велицей любви и милосердию воздеющая о нас руке к Богу;

радуйся, пред Неюже врази наша, видимии и невидимии, стати не могут.

Радуйся, Богородице Владычице, Ризою Твоею от злых наветов нас покрывающая.

Кондак 6

Проповѣдницы Твоея Благодѣтныя по́мощи суть вси Тобо́ю спасѣннии, от грехо́в избѣвленнии, от неду́гов исцелѣннии и благодарственно о Тебѣ вопи́ющии: Аллилу́иа.

Икос 6

Возсия́ Божѣственный Свет во Егѣ́пте, и падо́ша та́мо идоли, егда́ бежа́ла еси, Пречѣ́стая, с Богомладѣ́нцем Иису́сом, спаса́ющися от руки́ Иродовы. Ныне же озаря́еши светом боговѣ́дения умы всех, прѣлестей ми́ра сѹ́етнаго удаля́ющихся. Те́мже прино́сим Ти словеса́ сия́:

Ра́дуйся, Христа́, Бо́жию Си́лу и Бо́жию Прему́дрость ро́ждшая;
ра́дуйся, ослепле́нных му́дростию ве́ка сегó на путь пра́вый наста́вльшая.

Ра́дуйся, во святѣ́х догма́тах правосла́вныя ве́ры Наста́внице;

ра́дуйся, нечестѣ́вых ересѣ́й и раско́лов Искоренѣ́тельнице.

Ра́дуйся, та́йная и неудо́бь предвѣ́димая до́бре ве́дущая;

ра́дуйся, гада́ния лжи́вых провѣ́дцев посрамля́ющая.

Ра́дуйся, в час недоумѣ́ния благо́ую мысль на се́рдце полага́ющая;

ра́дуйся, па́губным начинáнием и безсловѣ́сным пожела́нием воспяща́ющая.

Ра́дуйся, Богоро́дице Влады́чице, Ризо́ю Твое́ю от злых наве́тов нас покрывáющая.

Кондак 7

Хотя́щи нико́лиже отлучáтися от Рождѣ́ннаго Тобо́ю Спасѣ́теля ми́ра, Ты, Богоблаже́нная, пребы́вала еси́ с Ним неотлу́чно во гра́де Назаре́те, пита́ющи Его́ я́ко Челове́ка и пою́щи в се́рдцы Своѣ́м я́ко Бо́гу: Аллилу́иа.

Икос 7

Ско́рбию Ма́тернею объята́ была еси, Пречѣ́стая Дѣ́во, егда́ три дни иска́ла еси́ двоюнадесятоле́тняго Сы́на Твоего́ Иису́са. Егда́ же обрела́ еси́ Его́ во хра́ме, в дому́ Отца́ Его́, возра́довася зело́. Таковóе Твое́ сердѣ́чное болѣ́знование воспомина́юще и радости́ю Твое́ю раду́ющесея, со умилѣ́нием вопи́ем Ти:

Ра́дуйся, Сы́на Твоего́, Превѣ́чнаго Архиере́я, в дому́ Отца́ Его́ обрѣ́тшая;

ра́дуйся, омофо́р моли́тв Твоѣ́х над всем ми́ром распро́стира́ющая.

Ра́дуйся, мило́сть и благода́ть сим в Це́ркви Правосла́вней явля́ющая;

Ра́дуйся, и нас, обнаже́нных дел благо́их, Своего́ Покро́ва не лиша́ющая.

Ра́дуйся, Сто́лпе о́блачный, от искуше́ний и собла́знов ми́ра сего́ нас отводи́й;

ра́дуйся, Сто́лпе о́гненный, посреде́ тьмы греха́ нам путь спасения́ показу́й.

Ра́дуйся, явле́нных благочестия́ подвижников явное укрепление́;

ра́дуйся, тайных среди́ мира рабов Бо́жих таинственное поуче́ние.

Ра́дуйся, Богоро́дице Влады́чице, Ри́зою Твое́ю от злых наве́тов нас покрыва́ющая.

Кондак 8

Стра́нное и предивное есть Твое́, Богома́ти, попече́ние о христиа́нех на всех путех́ их жи́тельства, многомяте́жнаго и многотру́днаго. Имуще́ же Тя милосе́рдную и незави́стную Помо́щницу, вси Тобо́ю облагодетельствованнии велегла́сно пою́т Бо́гу: Аллилу́иа.

Икос 8

Все́ю душе́ю послédовала еси́ Христу́ при служе́нии Его́ ро́ду челове́ческому, я́коже и Божество́нный евангели́ст Лука́ извествует о Тебе. Ве́руем, я́ко Ты, Всеблага́я Ма́ти, неотсту́пно пребыва́еши и со все́ми тружда́ющимися во сла́ву Бо́жию и Тя восхваля́ющими та́ко:

Ра́дуйся, Ковче́же Завета́, в нёмже сокрове́но всего́ ро́да челове́ча освя́щение;

ра́дуйся, Ста́мно Пресвята́я, в нейже а́лчущим пра́вды блюде́тся Хлеб жи́зни ве́чныя.

Ра́дуйся, Сосу́де Всезлата́й, в нёмже угото́вася нас ра́ди Плоть и Кровь Божество́ннаго А́гнца;

ра́дуйся, оста́вленных врачми́ на Свои́ всемо́щней ру́це прие́млющая.

Ра́дуйся, разсла́бленных от одра́ боле́зни воздвиза́ющая;

ра́дуйся, недугующим умо́м но́вый и лу́чший смысл пода́ющая.

Ра́дуйся, на стрóпотнем путы́ греха́ нас премудре запина́ющая;

Ра́дуйся, же́стость нераска́янных серде́ц на́ших умягча́ющая.

Ра́дуйся, Богоро́дице Влады́чице, Ри́зою Твое́ю от злых наве́тов нас покрыва́ющая.

Кондак 9

Всяк вóзраст вѣрных хвалится Твоѣм попечѣнием, Всемѣлостивая Мати, яко всегда́ потрѣбное в житиѣ даруеши и усѣрдно за ны, немощныя и грѣшныя, у Престо́ла Го́спода сла́вы ходата́йствуеши. Ему́же поѣм: Аллилу́иа.

Икос 9

Ветѣи многовещáннии не мо́гут возглаго́лати Твоея́ Матерниа печáли при Крестѣ Сына Твоего́. Тѣмже, яко всякое искуше́ние претерпе́вшая, спострада́ти в са́мых тяжцех ско́рбех и лишѣниих нам мо́жеша. Сего́ ра́ди взывáем Ти:

Ра́дуйся, от я́звы и всегуби́тельства сме́ртнаго нас соблюда́ющая;
ра́дуйся, от внеза́пнаго колеба́ния земли́ гра́ды и вѣси сохра́няющая.

Ра́дуйся, от разли́яния водна́го и пото́пления руко́ю крѣпкою возводя́щая;

ра́дуйся, запале́ния о́гненнаго росóю моли́тв Твоѣх изба́вляющая.

Ра́дуйся, Хлѣбом жи́зни ду́ши на́ша насыща́ющая;

ра́дуйся, мо́лнии и гро́мы от глав на́ших отводя́щая.

Ра́дуйся, от нашѣствия инопле́мѣнник и от вся́кия напáсти спаса́ющая;

ра́дуйся, от вражды́ единокрóвных к ми́ру и любви́ возвраща́ющая.

Ра́дуйся, Богороди́це Влады́чице, Ри́зою Твое́ю от злых наве́тов нас покрыва́ющая.

Кондак 10

Спасти́ хотя́ мир, И́же всех Господь, на Крестѣ вѣся, дарова́ Тя ми́ру все́му Пресвяту́ю и Премудру́ю Матерь, егда́ рече́ Тебѣ о святе́м Иоáнне: «Се сын Твой», и возлю́бленному ученику́: «Се Мати твоя́». Благодаря́ще за сие́ Всеблага́го Бо́га, глаго́лем Ему́: Аллилу́иа.

Икос 10

Стена́ крѣпкая явилася еси́, Преблагословѣ́нная, правосла́вным христиа́ном, да́рующи всем благодѣ́нствие, мир и ра́дость, яко́ и Сама́ сия́ пѣрвее при́ят от Воскрѣ́снаго Христа́ Спаси́теля, слы́шавши от Него́ привѣтственный глас: «Ра́дуйся». Сего́ ра́ди и мы ублажа́ем Тя та́ко:

Ра́дуйся, чи́стых се́рдцем де́лателей благословѣ́нными пло́дами награжда́ющая;

ра́дуйся, пра́ведное воздая́ние всем пра́во кúплю де́ющим.

Ра́дуйся, клятвopеступлeний и непра́ведных стяжа́ний
всенаро́дное обличeние;

ра́дуйся, бе́дствующим в пу́ти, на су́ше и на вода́х неча́емое
вспоможeние.

Ра́дуйся, безча́дным родите́лем благоча́дие ве́рою да́рующая;

ра́дуйся, безма́терняя сироты́ незримо воспиту́ющая.

Ра́дуйся, су́щих в пленении и изгна́нии крeпкая Засту́пнице;

ра́дуйся, во у́зах и темни́цах сидя́щих неусыпа́ющая
Попечите́льнице.

Ра́дуйся, Богоро́дице Влады́чице, Ри́зою Твое́ю от злых наве́тов нас
покрыва́ющая.

Кондак 11

Пе́ние на́ше смире́нное, от полноты́ любве́ и усeрдия Тебе́
приноси́мое, не прeзри, Богоневeсто, и не отврати́ся от нас, грeшных и
недостойных, но помози́ нам от вся́кия скве́рны плóти и ду́ха
очи́стится, да возмо́жем досто́йно пе́ти Бо́гу: Аллилу́иа.

Икос 11

Свeт путево́дящий была́ еси́ апо́столом, Богородите́льнице, по
Вознесeнии Сы́на Твоего́ на Не́бо, и до сего́ дне свет благода́ти
изливаeши от честны́я Ри́зы Твоея́ всем притека́ющим к ней и
ча́ющим спасти́ся и в разу́м и́стины приити́. Не лиш́и и нас, о
Всеблагая́, Твоего́ свята́го во́дительства, в мо́ри житeйстем
обурева́емых, о́баче от се́рдца принося́щих Тебе́ благохвалeния
такова́я:

Ра́дуйся, даро́в духо́вных и телeсных незави́стная Подате́льнице;

ра́дуйся, полага́ющим нача́ло покая́ния ве́рная Предста́тельница.

Ра́дуйся, борю́щимся со страстьми́ и прило́ги вра́жиими
всегда́шня Споборница́;

ра́дуйся, жесто́ких и зверонра́вных незримоe укроще́ние.

Ра́дуйся, благих супру́жеств честное соверше́ние;

ра́дуйся, ма́терей деторо́дящих ско́рое и безболе́зненное
разреше́ние.

Ра́дуйся, в час кончи́ны Еди́ная всем нам Помо́щнице;

ра́дуйся, Ея́же преблаго́му Покро́ву мы, земноро́днии, благодарне
поклоня́емся.

Ра́дуйся, Богоро́дице Влады́чице, Ри́зою Твое́ю от злых наве́тов нас
покрыва́ющая.

Кондак 12

Благодать Божественную испроси нам у Сына Твоего и Бога, Всепетая Богородице, простри руку помощи, да не погибнем во гресех и лютых обстояниях, находящихся на ны от враг видимых и невидимых, умири наша сердца, злобою и враждою исполненная, да утешении Тобою радостно воззовем Богу: Аллилуиа.

Икос 12

Поюще благодатное Твое Успение, прославляем и милость Твою, Владычице, юже явила еси Ризою Твоею честною, завещавши ю по Успении некоей вдовице, Тебе при жизни служившей. И до ныне покров Твой святый и благодатная исцеления являеши сию Ризою всем людем, притекающим к Тебе и Тя прославляющим сие:

Радуйся, четверочастнаго года времен благословение;

радуйся, четверицы стихий вещества освящение.

Радуйся, всей вселенней крепкое заступление;

радуйся, всех искушений от мира, плоти и диавола попрание.

Радуйся, нечаемое примирение ожесточенно враждующих;

радуйся, неведомое исправление нераскаянных грешников.

Радуйся, не отвергающая всеми презренных и отверженных;

радуйся, отчаянных от рова погибели изхищающая.

Радуйся, Богородице Владычице, Ризою Твоею от злых наветов нас покрывающая.

Кондак 13

О, Всепетая Владычице мира, прими сие малое благодарение, от всего сердца Тебе приносимое, и не попусти николиже охладевати в благодарнем сем чувствовании, но вразуми нас всегда помнити Твоя неисчетныя милости и со слезами умиления вопити о Тебе Богу: Аллилуиа.

Молитва.

О, Преблагословенная Дево, Владычице Богородице, зрим ныне залог Твоих милостей к роду христианскому и светло празднуем днесь честныя Твоея Ризы положение, яко благоволила еси в сей Ризе явити нам тайну благодатныя помощи и заступления всем благоговейно к Тебе прибегающим и сердца свой пред иконою Твоею в молитве изливающим.

Прими, Всеблагомощная Владычице Богородительнице, сия дары, Тебе Единой прикладныя, от нас, недостойных раб Твоих, от всех

родов избранная, всех тварей небесных и земных высшая являющаяся. И ныне, Всепетая Пресвятая Богородице, не престай молящися о нас, еже избавитися нам от всякаго обстояния и навета злых человек Ризою Твоею, и сохранитися нам неврежденным от всякаго ядовитаго прилога вражия силою молитв Твоих, яко да Твоим заступлением и благодатною помощию спасаеми, славу, хвалу, благодарение и поклонение за вся в Троице Единому Богу и всех Создателю возсылаем ныне и присно и во веки веков. Аминь.